


Mateu 26



Moraramē
tuhke hkopyra
rokē ěmepyr̄y ise
ro kynexine otuhtoh
konōto ritohme,
Paxikoa ritohme eya
xine. Mame Jezu toytose
Petania pona, Razaru esaka,
tynēsēmākapohpyry ropa
esaka. Moraramē Maria
a ixtaratu tapoise typyne
exikety, meio riturume naratu kurā
risemy. Jezu pupuru pona moro
tukuāse eya. Ipupuru tykorokase ropa tūsety
ke eya. Typoxine itamurume tohse tapyi tao.


1

Moraramē Juta Ixikariote Jezu poetoryme kynexine
repe. Mame toytose ynororo Ritonōpo maro oturuketō
tuisary tomo a Jezu ewokase.
Mame aomiry etaryke tyya
xine tākye tohse toto.
— Oepehmāko reh
ynanahse, tykase toto
Juta a. Naeroro
toytose ropa
ynororo.
Tātamorepase
itamurume
Jezu
ewokatoh
poko tyya.

2



Mame toytose toto Jezu omi
poe otuhtoh ritohme Paxikoame.
Mame tötukurukohtao ro wyi tapoise
Jezu a. — Kure mase Papa. Yna
zuru seny onekarohpyry yna a,
tykase. Mame wyi tytohtohkase eya
typoetory tō punero ekarotohme.
Ynara tykase ynororo eya xine:
— Seny, apoitoko
enahtohme
oya xine.



3

Upū sero, tykase. Morarame
eukuru tapoise roropa. Töturuse
ropa Ritonōpo a: — Kure mase,
tykase. Mame typoetory tomo a
eukuru tokarose roropa. — Seny,
ētoko, emero porehme. Umunurume
nase sero. Umunuru kuānōko ase
tuhke iirypyrymākō kurākatohme.
Umunuru ekuamyryhtao
tuhke Ritonōpo
poetoryme exīko
mā toto jumāme.




4

— Ximāo, tykase Jezu Ximāo Peturu a. — Etako
pahne! Ynara tykase sā joroko tamuru opoko: “Ximāo
kuhnōko ase iirypyryme aehtohme,” tykase sā repe,
jurumekapory se toexiryke oya. “Ikuhko toto, ypoetory
tō emero,” ase eya repe. Yrome opoko oturuase Papa
Kapuaō maro jenetupuhkehpyra oehtohme. Mame
ya toeramase ropa
awahtao moxiā ākorō
tō ijamihtanohko
ropa, yronymyryme
jenetupuhtohme
eya xine, tykase
Jezu eya.



5

Ynara tykase Peturu eya: — Yna esēme mase.
Orumekara ase. Opyno exikehpyra roropa ase
jūme. Āpuruhpyry taka aaroryhtao, amaro ytōko
ase āpuruhpyry taka. Totapase awahtao eya xine
jorikyry se ase amaro, tykase Peturu Jezu a, repe.
— Etako pahne Peturu, kuratiri onetara ro ahtao
seroae: “Jezu waro
pyra ase! Jezu
waro pyra ase!”
āko mase
oseruao,
tykase
Jezu eya.




6

Morarame toytose
Jezu typoetory tō maro
Ketysemane pona. Ynara
tykase ynororo typoetory
tomo a: — Taro
oporohotoko aporo. Mōtona
pixo ytōko ase Papa maro
oturuse, tykase ynororo.
— Papa, Papa, jamihme
mase. Emero Ritō mase.
Jorikyry se pyra ase repe.
Yrome jorikyry se awahtao
orihnōko ase. Ōmipona
se rokē ase, tykase
ynororo Tumu a.



7

Morara exiryke morotona toytose Juta, tupito pona.
Tymaro soutatu tō tarose Ritonōpo Tapyī erase tō
maro. Ritonōpo maro oturuketō tuisary naropotyā
mokaro kynexine, parixeu tō naropotyā roropa
kynexine. Typyreke toytose toto.
Tozure roropa toytose toto, koko
exiryke. Mame tytapemā ke
imepỹ takohse Jezu poetory
a, toiro. Ritonōpo maro
oturuketō tuisary namoto
typanasahkase eya. — Epo
hnae, tykase Jezu eya xine.
Mame ipanary tapose eya.
Kure totyhse ropa axiny.




8

Mame Jezu tapoise eya xine rahkene. Tarose roropa eya xine Ritonōpo maro oturuketō tuisary tapyī taka. Ameke rokē Peturu a tokahmase toto. Mame apoto tukase kynexine tapyi myhto, apuruhpyry rānao. Moro apoto zomye kohrame toehse toto. Peturu roropa toto maro kohrame toehse.




9

Ritonōpo maro oturuketō tuisary namoto moroto kynexine. Peturu nypanakahpyry ekyry kynexine. Ynara tykase ynororo Peturu a: — Omoro make tupito po? tykase. — Arypyra, ywy kara akene, tykase Peturu. Mame kuratiri totase eya. Mame moro tae tutūtase ropa Peturu. Itamurume tyhxitapāse ynororo tōmihpyry poko: “Jezu waro pyra ase. Epeme pyra ase,” katopōpyry poko tyya. Mame tyxitase ynororo yronymyryme.



10

Moraramē oximōmākō towōse ropa. Jezu tarose eya xine Pirato a ekarotohme. Mame ynara tykase Pirato Jezu a: — Juteu tō tuisary mahno? tykase. — Ÿ, ywy ase, tykase Jezu. Mame Jezu myhpokary se toehse Pirato repe. Naeroro tōturuse imoihmākomo a. Yrome orēpyra tozuhse toto a.




11

Ynara tykase toto: — Wewe pokona rokē exixihmapoko!

Wewe pokona exixihmapoko! tykase toto opore tōmitase toto.

Moraramē soutatu tomo a Jezu tokarose rahkene, wewe pokona exixihmatohme eya xine. Mame Jezu tarose soutatu tomo a rahkene. Toxixihmatoh tarose roropa eya. Toytose toto ypy pona. Ypy esety Upuhpōpo. (Eperēu omiry ae moro esety Koukota kynexine.)




12

Moroto wewe pokona Jezu toxixihmase eya xine. Imehnō roropa toxixihmase wewe pokona eya xine Jezu maro. Toiro Jezu apotunuru wino toiro ipozery wino, enara.



13

Mame Ritonōpo esary apuru toexihkase, Ritonōpo Tapyī tao. Kamisa risē toexihkase irānakuroko. Mame opore Jezu tōturuse Ritonōpo a. Ynara tykase ynororo: — Papa, kueneko. Orihnōko ase ōmi poe. Oya juzenu ekarōko ase, tykase ynororo. Morara kaxīpo sa rokē toorihse ynororo.




14

Eya toytose Jezu ekepyry ekaropose. Joze Arimatea pō kynexine, imehnō tuisaryme exikety kynexine. Ritonōpo omipona exikety roropa kynexine. Moraramē kamisa karimutumā topekahse

eya Jezu ekepyry zōtotohme. Touse ahtao wewe poe tyōtose eya topu eutary risē aka tyritohme. Moraramē topu parihmā ke okepy ē tapuruse eya.

15

Yrokokoro parixeu tō toytose Pirato a Ritonōpo maro oturuketō tuisary tō maro juteu tō oserematoh ae. Mame ynara tykase toto eya:




16

— Etako pahne tuisa, mokyro onekunohto nexiase. Orihpyra ro tahtao ynara nase ynanetaryme: “Oseruao tōmehse ahtao ēsemānōko ropa ase,” nase ynororo ynanetaryme.



17

Naeroro toytose toto. Azawa panō tyrise eya xine okepy ē apuhtohme, Jezu ekepyry ematonanopyryino imehnomo a. Mame soutatu tō tyrise moroto eya xine okepy ē eraseme.



18

Mame oserematoh tykohmāse. Mame nomīko ēmepury ae nohpo tō toytose ekepyry zonētopōpyry enese. Maria Matarena imepỹ Maria maro toytose toto. Mame tuaro pyra toto ahtao nono kywyh kywyh tykase jamihme.

Mame Ritonōpo nenyokyhpyry tyhtose kapu ae.

19

Jezu ekepyry ētypyry apurutoh tysyryhmase ropa eya. Mame epona typorohse ynororo topu pona. Mame soutatu tō tōserehse itamurume. Tykytyky tykase toto.

Mame aorihtyā sā toehse toto. Nono pona toepukase toto.

20

Morarame ynara tykase Ritonōpo nenyokyhpyry nohpo tomo a:
 — Oserehpyra ehtoko. Jezu zupīko hmatou wewe pokona exixihmahpyry? Zuarō ase. Arypyra reh taro nahse. Tōsemāse ropa mana tōmihpyry ae ro.

Enetoko ke se ao.
 Esahpyry rokē moro.



21

Morara kary etaryke tyya xine axī toytose toto ekepyry esahpyry poe. Oserehnōko ro toh kynexine. Yrome tākye kuhse toh toehse. Tururume toytose toto Jezu poetory tō zuruse. Moraramē tōseporyse toto Jezu maro.



22

— Torētyke pyra ehtoko, tykase Jezu eya xine. Mame eya toytose toto. Ipupuru tapoise toto a.
 — Kure mase, Ritonōpo nymenekahpyryme mase. Yna esēme mase, tykase toto.



23

Morotoino typoetory tomo a Jezu tōsenepose rahkene, 11mākomo a, toto otukuruhtao. Orēpyra tōturupose: — Oty katohme axī jenetupuhpyra matou? Oty katoh: “Ajohpe rokene,” āko matou jēsemātopōpyry ropa poko? tykase Jezu eya xine. Moraramē tōturukehse tahtao Jezu tōnuhse rahkene kapu aka. Mame typorohse ynororo Ritonōpo apotunuru wino.

24

Ritonōpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.

54



60

25

Romanos 3:23 Kymarokō emero tyrypyhpyke. Osepune pyra sytatose, Ritonōpo kure exiry maro.

Romanos 6:23 Ynara exiryke, kyrypyrykō epehpyryme orihnōko sytatose. Yrome Ritonōpo nekarohpyry ke orihpyra sytatose jūme. Jezu Kyrixtu Kuesēkō marōme exīko sytatose, toorihse exiryke kymyakākōme.

Epereu 9:27 Toipe sytatose. Emero porehme orihnōko sytatose toiro. Moromēipo kuapiakatorōko Ritonōpo mana.

26

Epezu 2:8,9 Naeroro tamoreme opyno xine Ritonõpo toexiryke typynanohse matose. Okurākatorỹko roropa mana kure oexirykõ pokoino pyra. Jezu enetuputyryke rokẽ oya xine okurākatorỹko mana. Topehke pyra, tynekarory kurã sã, Tumũkuru tonehpose aorihtohme, okurākatohkõme. Naeroro epyrypasaromepyra matose Ritonõpo poenõme oexirykõ poko. Kure oexirykõ pokoino pyra tukurākase matose Ritonõpo a.

Romanos 10:9,10 Jezu orihxĩpo tõsemākapose ropa Ritonõpo a. Moro enetuputyryhtao oya xine imehnõ zurũko matose: “Jezu Jesẽme mana,” ãko matose imehnomo a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyaa xine kukurākatorỹko Ritonõpo mana. “Zae mase ya,” ãko mana kyaa xine. “Jezu Jesẽme mana,” karyhtao kyaa xine kypynanohtorỹko Ritonõpo mana.

27

João 3:16,17 Ritonõpo sero nono põkõ pyno ipunaka. Morara exiryke Tumũkuru toirõ tonehpose eya, emero porehme enetupuhtohme tosẽkõme, orihpyra ehtohme, jũme imaro ehtohme. Sero põkõ pynanohse Tumũkuru tonehpose Ritonõpo a, toto onuãnohpyra aehtohme.

1 João 5:11-13 Ynara Ritonõpo nekarohpyry sero. Orihpyra kyritorỹko Ritonõpo mana Tumũkuru enetuputyryke kyaa xine. Ritonõpo mũkuru maro exiketõ orihpyra mã toto. Yrome Ritonõpo mũkuru maro pyra exiketõ orihketõme toto. Onenerykõme pape merõko ase orihpỹme oehtohkõ waro oehtohkõme, Jezu Ritonõpo mũkuru enetuputyryke oya xine.

28

Mateu 26-28; Ruka 22-24; João 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Apalaí Bible (apy) ©2017, Wycliffe Bible
Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.
www.M1914.org www.bibleforchildren.org

29